

集部

欽定四庫全書一奉文集制练

集部

詳校官編修臣李充棟

中書臣劉源溥覆勘 校對官中書臣金光悌 覆校官中書臣田尹街 謄録監生 臣黄廷璧

足足の巨人野 欽定四庫全書 拳集 提要 别 供職尋以疾解歸退居金牛山授徒講學以 泉 校 臣 等謹索一拳集十卷明羅倫撰倫字委正 州市船副提舉明年站還復原官改南 統一奉江西永豐人成化两成進士第 修撰釋褐南三月以疏劾大學士李賢詢 集部六 别集類五明 京

金少せる人 學 堅時或失於迂潤又喜排叠先儒 無足以動其中無可謂之無欲今覽其文 獻章以超悟為宗而倫寫守宋儒之途轍 終事跡具明史本傳倫與陳獻章稱石交然 殺之氣形於楮墨詩亦磊阿不凡 合同之語不為軟異之行凍餒幾於死亡而 淘 则 汰之功或失於繁冗然亦多心得之言 殊明儒學案云倫剛介紀俗生平不 傅 雖 執意過 註成 作 剛 PÍT 語

とこり自らい 本集以傳令亦姑仍舊本録之馬乾隆四 在亦文集中罕見之體以其人足重故得附 詞至三百餘首隐約幻渺幾莫測其用意所 年十月恭校上 外强中或者比也後載夢稿二卷記夢之 一字集 總 總察官臣紀昀臣強銀臣孫士毅 校 官 臣 陸 费 墀

-	and the same of th	##	7907-a hara		1 11 11 200	-		_
1		1		-				主
li	1		}					13
i i		1						ハ
1	1	1		1				ي
								ľ
II.	İ							Ŀ
[]	1							金分とだろう
11	1							·
11	1			ł			L	_
li	İ)	T
							[
li.				1			1	
li				}				
[]		İ					1	ΙŁ
11							-1	段数
11								
		1						
H)	
!!								
11								
!		1	ì				1	
ll .								
11	1							1
1								į
H	1							
1								
1	1							;
11								
11	1	1						
1 1								
1)	}							:
<u></u>							- x x	=



大小口匠 山山	説	哀解	文	武	沒意就	跋	傳	卷七
一峯大作								
1.								

100	专一	書下	卷九	書上	卷八	祭文	銘	金月四月百十
								每

ノ・ア・ス シェイ 卷十一 卷 诗 卷 诗 卷 诗 本文集

:	na sinikana Pi				一歩兵で母全書
1					201
					绿。
-					

テー・リションニア 說者謂漢大綱正唐萬日舉宋大綱正萬日未盡舉 法沒備宜乎大綱正而萬日舉也可歷指其實而言與 欽定四庫全書 治大綱固無不正矣不知萬日亦盡舉與三代之隆其 而有網馬有目馬必大網正而萬目舉可也若唐虞之 **筝文集卷** 廷試策 制曰朕惟古昔帝王之為治也其道亦多端矣然 一峯文集 明 羅 倫 撰

一多定此府全書 梗化之患薄海内外照然太和可以增光祖宗可以匹 大統風夜倦惓惟欲正大綱而舉萬目使人倫明於 固無異於古音帝王之治矣亦可得而詳言與朕嗣承 知未正者何綱未舉者何日與已正已舉之綱目可得 休帝王果何行而可必有其要諸士子學以待用其於 風俗厚於下百姓富庶而無失所之憂四夷賓服而無 而悉言與我祖宗之為治也大綱無不正萬目無不舉 今治道講之熟矣請明著于篇毋泛毋略朕将親覧馬 Ņ

とかりはした 能正其心有其心然後能致其治有其治然後能保其 |武之治天下之大治也堯舜禹湯文武之心天下之大 大學堯舜禹汤文武之位天下之大位也堯舜禹湯文 之大治必正天下之大本正天下之大本必務天下之 學也者又帝王正心之要道也古先聖王知其然是以 本也堯舜禹湯文武之學天下之大學也有其學然後 臣對臣聞居天下之大位必致天下之大治致天下 位治也者帝王保位之良圖心也者帝王出治之大本 一本文集

堯學於君疇舜學於務成路禹學於西王國湯學於成 一多分四人名言 乎此者或君有可學之資有欲學之志而不遇其臣如 非不欲致君為二帝三王然家家千載未有一二庶幾 宋其間英君誼辟非不欲致治如唐虞三代志士仁人 後世功高天下名並日月而不可及自漢而唐自唐而 學維持此心者無不至也故德澤加於當時名聲垂於 子伯文王學於鉸時子武王學於號权其所以精一此 高祖之於蕭曹太宗之於房杜神宗之於安石是非

臣之罪也此君臣相遇自古以為難而有志之士所以 前史見君有向學慕道之心而臣不能成之則悲其為 於唐宋所以止於宋而不能唐虞三代者此也臣每見 扼腕情嘆而不能自己也此漢所以止於漢唐所以止 如買董之於漢陸對之於唐二程朱子之於宋是非其 臣臣有匡國致君之學而君不能用之則悲其為君陛 下繼祖宗列聖之位即堯舜禹湯文武之位也稟天縱

ここりら たたず

一军文作

君之罪也或臣有匡國之才有格君之學而不遇其君

未至他已盛矣猶以為未盛通萬機之服進臣等于廷 |聰明之資即堯舜禹湯文武之資也治已至矣猶以為 宗廟社稷之幸天下生靈之幸也臣敢不以堯舜禹湯 舜禹湯文武之心也陛下之有此心非特臣之幸也質 大綱舉萬目以明人倫以厚風俗以富庶百姓以賓服 降賜清問首詢唐虞三代下逮漢唐宋諸君惓惓欲正 屬國以增光祖宗匹休帝王臣有以知陛下此心即亮 文武之所學者為陛下勉哉昔范祖禹上帝學八卷以

|好以四月全書

為自古治日常少亂日常多推原其故由人主不學也 盡夠蕘之言有或隱上負朝廷下負所學臣恐後之悲 生所學在此若有所回發是欺君也陛下有志於唐虞 朱熹将入對或日正心誠意之學上所厭聞惠曰某平 今者無異於今之悲昔也臣請因聖問而畢言之陛下 厭聞正心誠意之說者臣敢不以平生之所學者告陛 三代之治而無漢唇宋諸君之失固無不學之心亦非 下而自陷於欺君之罪哉使愚臣於此大馬之誠有未

大三丁日 とこう 一年大米

一金分四月全書 試垂聽馬臣聞道之大原出於天是道也極於至大而 道之目非吾心維持之則無自而舉此心也者又所以 所以扶植乎三綱經緯乎國體乃古今之通誼所謂為 小也則為禮樂為刑政為制度文為之具若綱之有目 夫婦為長幼朋友之倫若網之有綱所以根柢乎人心 無外入於至小而無內語其大也則為父子為君臣為 治之萬目也是道之綱非吾心主军之則無自而正是 紀綱乎世道乃天地之常經所謂為治之大綱也語其

· 走之時親睦九族以廣愛敬之思釐降二女以正閨 禹之創夏湯之建商文武之造周皆不能外乎此也在 端然必大綱既正而萬目無舉若克之聲唐舜之起虞 則有所蔽目何從而舉此學也者又所以正其心而為 主於身而為正大綱舉萬目之根本也心雖主軍乎是 目不舉亦非盡善之道也故古昔帝王之治其道雖多 綱非學則有所感綱何從而正心雖維持乎是目非學 こ・フランニラ 正大網舉萬目之根本也大綱不正固不可以言治萬 华文作

何 四岳以明揚側随允釐百工咸熙庶績萬目之舉於堯 若昊天敬授人時命義和以秩東作命義叔以秩南 化成刑于二女而閨門之儀肅舜之大綱無不正也欽 舜之時底豫瞽叟而父子之位定克許傲象而兄弟之 明凶目達四聰命十二牧以脩内治服遠人命禹以宅 |禮館甥二室以厚朋友之倫堯之大綱無不正也在 和仲以平西成命和叔以在朔易命鯀以治洪水 如也察職衡以齊七政舉祀禮而朝諸侯命四岳 訛

銀定匹库全書

Ņ

樂而允迪厥德舜之學也使唐虞之君不事乎此則學 決不視玩好而允執其中堯之學也問遊于佚問淫于 舜何如也唐虞之大綱無不正萬目無不舉如此宣徒 作禮樂命龍作納言四方風動庶政惟和萬目之舉於 百揆命契以敷五教命阜陶以明五刑命伯夷后變以 有未至而大本不立矣綱何自而正目何自而舉哉其! 然乎本於堯舜之心惟務大學以正其大本也不質淫 在禹也與常之率由桑倫之攸叙其在湯也舊服之載

处已可归处于

一筆之具

敬承繼禹之道或布德服禹之跡或率乃祖攸行或鑒 殷曰序周曰库馬其制刑也夏有禹刑殷有湯刑周訓 其養民也夏以貢商以助周以徹馬其教民也夏曰校 先王成憲或寫叙正父或對揚光命或率德以蓋前人 兄弟鹿鳴以饗庫臣樛木思齊以嚴閒教故其子孫或 之愆或脱簪以輔中與之治此三代之所以正大綱也 刑馬其建官也夏商官倍亦克用又周人六典异成

金分四月月十

續人紀之聲脩其在文武也麟趾以厚公族宗禄以燕

宣徒然乎本於禹湯文武之心惟務大學以正其大本 尚質周尚文馬三代之大綱無不正萬目無不舉如此 正朔也夏建寅商建丑周建子馬其習尚也夏尚忠商 兆民馬其作樂也馬作大夏湯作大寶武作大武馬其 也不盤遊田緝熙敬止不作無益克慎明德文武之學 矣綱何自而正目何自而舉哉此堯舜禹湯文武惟能 也使禹湯文武不從事乎此則學有未至而大本不立 也祗台德先不自滿假懋昭大德不邇聲色禹湯之學 - -

一欽定四庫全書 人 務天下之大學以正天下之大本所以能致天下之大 言之如發義帝之喪戮丁公之叛庶乎明君臣之義高 治三代而下漢唐宋諸君雖有天下之大位而不能務 其父弟不敢制其兄婦不敢駕其夫臣不敢專其君豈 定同姓之封庶乎廣昆弟之愛故繼世之君子不敢叛 天下之大學所以天下之大治卒不能致也漢就高祖 四皓之名割肌膚之愛庶乎全父子之恩立白馬之盟 不由高祖之作則哉此其大綱可謂正也然其養民也

復五禮六樂之廢未久而禮樂之制不復此其萬目未 漢非惟萬目未盡舉而大綱亦未盡正以其或不事於 城姬之見罷大將見殺兆於韓彭之強臨先儒謂漢 **盡舉也况兄弟不容兆於羹頡之錫封夫人同席兆** 未久而學校之制不復郡縣之設未久而封建之制 阡陌之壞未久而井田之制不復其教民也坑焚之祻 書或渦指黄老或雜於刑名或荒於土木神仙而聖 正以臣觀之漢之大綱亦未能盡正如唐虞三代也

巢刺妃娟武才人閨門之禮何在故繼世之君子攝兵 佛古人寓兵于農之意設覆奏以審刑彷彿古人欽 宗之作俑哉此其大綱可謂不正也然設府衛之法 萬目之未盡舉哉唐就太宗言之舜父臣虜逼奪神器 學也雜聖學既雜則大本不立何怪其大綱之未盡正 父子之親何在推刀同氣蹀血禁門兄弟之義何在 之意此其萬目可謂能舉也然法令之行比之先王未 叛其父臣攝兵叛其君婦駕其夫兄战其弟豈不由太

欽定四庫全書

學既怠則大本不立何怪其大綱之未盡正萬目之未 或荒於遊畋或鍋於女色或甘於小人而聖學也怠聖 惟大綱不正而萬目亦未盡舉如此以其或蔽於異端 未成也禮樂之具比之先王未脩也先儒謂唐萬日舉 盡舉哉宋就太祖言之其厚兄弟也金匮之書千古不 以臣觀之唐之萬目亦未能盡舉如唐虞三代也唐非 磨神糙之重一朝脱屣其厚熟舊也杯酒解柄終全敷

純也田疇之制比之先王未備也學校之教比之先王

欽定四庫全書 農桑美則美矣視三代養民之制何如脩廣學校城則 齊美子關班之化也而聚應之恥則未有此其大綱亦 **馮辱不及於公卿其嚴闢範也內言不出於外私恩不 威矣視三代學校之制何如禮樂於諸儒之塚視三代** 乎麟趾之威也而撡戈之事則未聞閨門之内雖不能 害於公故繼世之君持盈守成家庭之間雖不能匹休 名雪夜再幸不改殊恩其待臣下也鞭扑不行於段陛 云正也然制度頗因五代之舊不能復先王之制勸課

來人之公議燭影避席未免起人之疑心德昭之死未 之制太冗任子之恩太滥此其萬目亦未盡舉也先儒 事如此雖曰夜分讀書未免徒侈乎虚名雖曰炎暑談 免不厭夫衆心郭后之事未免有疵於盛德則宋之萬 謂宋大綱亦正萬目未盡舉以臣觀之黃袍加身未免 制禮樂之遺意何如兵財由朝廷之制視三代制兵財 目固不舉矣而其大綱亦豈盡正乎宋之諸君見於行 之遗法何如以至贓吏之戒不嚴敗軍之法不立設官

遣祭皇陵哀感不勝則我太祖之聖孝一處舜之大孝 故也我太祖高皇帝雅雅准句混一區字心堯舜禹湯 所以不能致唐虞三代之治皆由大學不講大本不立 大綱之未盡正萬目之未盡舉又何怪其然哉漢唐宋 經未免不關乎實踐聖學既無其實則大本不立矣其 周武王之達孝也觀其剖符錫壤建封諸王上衞國家 文武之心而大本以立學堯舜禹湯文武之學而大學 以明故以其大綱之正言之觀其祭畢便殿泣下不止

|欽定四庫全書

俞吁佛商周之左右為非同一揆也觀其申明五常之 王之時庸展親也觀其君臣同遊之言則與唐虞之都 法井給民之言互知丁業之戒與古人重農之意相出 大綱之正有不如唐虞三代者乎以萬目之舉言之則 詰則與唐虞之敦與庸禮尚周之建中建極同一揆也 相表裏也內設六鄉以總治天下外設布政司以分理 下安生民則我太祖之親睦一真舜之敦叙九族周武 入也學校教民之制鄉飲勵俗之禮與古人立教之意

とこりることす

一筆文孫

先王之典以還中國之傷命陷凱以制樂則務宣和平 都司相制於外而藩鎮無專恣之患則其制兵之意底 四方之耳目則其制官之意庶幾乎古人六卿九牧 郡邑内設都察院以肅朝廷之紀綱外設按察司以為 幾乎古人司徒司馬相統屬也命牛該以制禮則斟酌 倡和也兵部帥府相繼作內而將帥無偏重之勢布按 列聖相承心太祖之心學太祖之學聖徳日新而無不 之意而屏褻押之習萬目之舉有不如唐虞三代者乎 相

|金月四月全書

参

正之 猶未明斥去邪佞禁制奢侈已有意於厚風俗而風 來躬行大孝以先天下已有意於明人偷而人偷至今 此之應陛下此心即堯之競競舜之業業禹之致致湯 綱目漸以倫数百姓有不富屬國有不服而我祖宗之 **外則俗自降故人倫有不明風俗有不厚而我祖宗之** 綱目漸以乖張陛下嗣承大統于兹三年夙夜惓惓惟 慄慄文王之翼翼武王之無貳之心也然自即位 網聖化日廣而無不舉之目然法久則弊自生世

たこり早から

一筆文作

邈也臣請為陛下熟言之以陛下望治之切求治之篤 武之心而不能致堯舜尚湯文武之治意者陛下於堯 質服屬國而夷狄至今猶未賓服陛下有堯舜禹汤文 至今猶未厚躬明籍田蠲免租税已有意於富庶百姓 舜禹湯文武之學有未至乎何其心之倦倦而效之邀 夫天下之事未有不行於上而行於朝廷者也未有不 必慎發于中憂形于色而倦倦之誠益有所不能已也 而百姓至今猶未富庶簡練將帥嚴飭邊備已有意於

一多好四月 有電

谷訪非一使願輸忠個者得以獻其誠務為嚴欺者無 雖軒揮之內有霄壤之隔是非不及於面諭則腹心無 所蔽而上心不得以下究何有乎君臣相親之義也陛 所託而下情不得以上通可否惟出於內批則耳目有 以施其詐則君臣之化行於天下而無有不厚也問問 下誠能體腹心手足之義畧崇髙實重之勢召見不時 民忍心害理生則私妻育子别籍異財曾禮義之不 - the total

行於朝廷而行於天下者也以人倫言之今公卿大臣

|欽定四庫全書 省之誠公鄉守終制之典士夫嚴匿服之禁則父子之 知死則食稻衣錦火葵水處皆禽獸之不若何有乎又一 長之風則兄弟之化行於下而無有不愛也妄勝無數 陛下誠能厚同氣之恩廣友于之愛嚴犯上之律教敬 子相爱之恩也陛下誠能望陵與哀慕之悲慈養勤定 兄同門戶而設藩離幼或賊其長何有乎兄弟之愛也 化行於下而無有不親也隔形骸而分秦越弟或戕其 庶人僭公侯之分婚娶論財嘉禮故貪鄙之風何有乎

婚嫁之式定著妾媵之數則夫婦之化行於下而無有 夫婦之道也陛下誠能則關雎之化正官開之禮申 學以正大本急求所以明倫之道則人倫庶乎可明無 陷之奸獎協恭之正則朋友之化行於下而無有不善 道而相益落穽下石者紛如貽書爭諫者寂若何有乎 朋友之交也陛下誠能親君子之朋遠小人之黨燭擠 不正也所貪者利禄誰同心而相濟所附者權勢誰同 人倫之明自於上非務學不能知臣顧陛下捲捲聖 一年之張 **十**四

節雕梁畫棟惟恐其不華珍饈綺食惟恐其不豐錦绣 **佞說随者名之曰變通緘黙自便者目之曰忠辱直言** 異於唐虞三代也以風俗言之朱亦一開燕鵲駢集訣 之士張正直之氣則士夫之風振矣庶人帝服娼優后 金玉惟恐其不多妹色麗音惟恐其不足此奢侈之風 之風喪也陛下誠能塞奔競之門杜謟諛之口獎名節 正色者非之曰嬌激持心操節者刺之曰干名此士夫 也陛下誠能躬節儉之實抑浮靡之貴重僭喻之

|銀定四庫全書

定上下之等則奢侈之風降矣典學校之教者尸虚位 論惟崇乎正道毋感於邪說則道佛之風熄矣苞苴一 與矣珠宫於守照耀雲漢見首黃冠充斥道路此道佛 而無實行由科貢之途者飾虚譽而之實才此學校之 之風熾也陛下誠能監梁武宋宗之失斥禍福報應之 切嚴科貢之選使無實才者不得以幸進則學校之風 風衰也陛下誠能重師儒之任使無實行者不得以濫 こううし 入賤可使貴賄賂一通滞可使達贖貨載歸里問稱慶 一半之保 五

名實督行勸懲應介者必彰而無隱貪墨者必誅而無 琴鶴自隨妻子怨識此貪點之風盛也陛下誠能綜數 臣願陛下慘惨聖學以正大本急求所以厚風俗之道 赦則貪贖之風止矣風俗之厚自於上非務學不能知 則風俗庶乎可厚無異於唐虞三代也以言乎百姓之 也在舸貢艦動連千夫工近與臺延及數戶此吾民之 毛疑而尾問於異端之奉此吾民之用於賦飲者可恤 則徵求極於錙錄而漏危於罷俸之費等飲至於

欽定匹庫全書

Į,

其所啖此吾民之用於豪家巨室者可恤也囊帛篇金 用於征搖者可恤也田連阡陌利累羊羔家雞圈承惟 馬大要在於重守令急務在於節財賦守令者民之父 妻壯者散於四方老雅轉乎溝壑此吾民之困於饑饉 此吾民之困於兵戈盗賊者可恤也父食其子夫衛其 **脊者可恤也利掠践躁雞犬一空角持抑逼肝腦塗地** 流離者可恤也百姓之失所固可恤矣然恤之有其道 飫鮮醉職市虎門妖恣其所欲此吾民之困於貪官點 ここうう たいとう 一年之保 ナ 六

而 横盗贼由此 母守令不重則好民之所惡惡民之所好豪猾由此 對近四屆全書 重守令在於慎選科貢疏理胃監嚴勵風紀精立銓法 得以幸免銓法既精則文理不達者不得以幸用政績 欲 節 科 廷歲月者不得以幸選風紀既嚴則貪濁有狀者 科貢既慎則專圖僥倖者不得以幸進胃監既 百因十而飲千賦飲由此而苛征徭由此而 財賦在於簡閱軍士沙汰冗官杜 而起 財用者民之命脈財用不節則 抑私爱斥絕 濫 理 ンノ 欲 不 則 响

臣願陛下倦倦聖學以正大本急求所以富庶之道則 幸禄私愛既杜則貴戚近習之屬不得以幸賜異端既 宜修則河套難復差點於西變許之不測侵掠之不常 斥則佛老邪怪之徒不得以幸干而財用自節矣何患 無能者不得以幸食冗官既汰則備員充位者不得以 不問者不得以幸遷而守令自重矣軍士既閱則老弱 こううここう 百姓庶乎可富而無異於唐虞三代也以言乎軍政之 百姓之不富庶哉百姓之富庶自於上非務學不能知 一年文集 ナセ

一銀定匹库全書 判襄之諸冠可慮也丹崖千切青壁萬重攻之則據除 邑我進則彼去我退則被來此川蜀之諸冠可愿也夷 驅之不足於兵守之不足於食此西方之邊事可慮也 狄之梗化固可應矣然服之有其道馬大要在於脩內 守之則廢時此兩廣之諸怒可慮也團聚山砦流俘鄉 阻山川以為固結流民以為援思出神沒蜂屯蟻聚此 治布恩信急務在於擇將即足兵食內治不脩則根本 不固恩信不立則人心不服將即非人則敵人不畏士

农人望既收 從終降致欲得將師在於收人望專委任戒欺罔欲 於戒逸樂足民用任君子退小人欲布恩信在於有脅 既 兵食在於廣屯田增土兵逸樂既絕則主心 既戒則賞罰日明屯田既廣則儲蓄日富土兵既增 好數日銷骨從既宥則叛亂日懷降敖既終則歸 足則邦本日固君子既用則摩策日陳小人既退 不附兵食不足則士氣不振农心不守欲脩內治 則將才日至委任既身則将士日奮欺 一举大保 日正民 足 罔 用 則 在 Ð

とこりる

-14.5

一到近四月在書 賓服臣不憂也臣所憂者陛下之大本雖已正矣或不 嗟乎陛下惓惓於唐虞三代之治而臣惓惓勉陛下以 非務學不能知臣顧陛下慘惨聖學以正大本急求所 兵力日振何應屬國之不賓服哉夷狄之賓服自於上 能如堯舜禹湯文武之光明陛下之大學雖已 唐虞三代之學者誠以大綱之未正臣不憂也人倫之 不明風俗之不厚臣不憂也百姓之未富庶夷狄之不 以賓服之道則屬國庶乎可服而無異於唐虞三代也

圖治之心致倦倦為學之力如堯舜如禹湯如文武 不能如堯舜禹湯文武之精 麗珍怪奇玩之物不足以侈此心土木刑名征伐之類 ال 便辟 理日明人欲日消妖蛇之色淫哇之聲不足以荡此 足以惑此心沉湎荒淫盤遊之事不足以荒此心華 目可撃る 足以雜此心而大本立矣大本既立由是大綱可正 側媚之言不足以盡此心神怪佛老異端之說 (倫由是而可明風俗由是而可厚百姓由 ----一陛下由臣之言持惓惓 則

是而可富庶夷狄由是而可賓服簿海内外由是而 熙然太和宗廟由是而可以永安神羯由是而可以永 陛下之下風也若大本不立則雖瘦精憊神以求正夫 保聖壽由是而可以永延祖宗列聖由是而可以增光 大綱舉夫萬目以遂數者之效而快陛下之心亦將徒 二帝三王由是而可以匹体而漢唐宋諸君不足以望 從事於學也然臣之所謂學者非稽同合異以為博也 為文具而天下之事無一可為者矣此臣所以欲陛下

欽定四庫全書

謂學者即大學之道也是學也即充舜禹湯文武之所 學者也其目有八而各有其要平天下治國齊家之要 謹言行正威儀誠意正心之要有二曰崇敬畏戒逸欲 於致知格物宋儒行繹其義以進告其君齊家之要有 非鈞深致遠以為奇也非縭章繪句以為美也臣之所 在於脩身脩身之要在於正心誠意正心誠意之要在 格物致知之要有四回明道衔辨人才審治體察人情 四曰重如匹嚴內治定國本教戚屬脩身之要有二曰

一稣定匹犀全書 臣質問疑義毋徒事虚文毋徒應故事毋徒聞之於耳 是書也乃先聖之心法萬古之元龜制治之良圖保邦 之大道陛下必惓惓於此畫而誦之夜而思之親近儒 即奪之於官關深嚴之地毋以朝夕而有問毋以寒暑 座右考之於經證之於史如某事也古人以之而治以 而有輟或摘其要語而列之屏悼或參以祖訓而銘之 而不識之於心母徒聽之於人而不復之於已母徒能)於始而或忽之於終毋徒講之於百辟雲集之時而

危以之而亡以之而天即惕然以省曰吾今日之所為 有不平也嗟乎人主之心未當不好治而惡亂也好安 是然後身無有不脩家無有不齊國無有不治天下無 此事之外無他事如是然後可謂之倦倦也如是然後 所行有合於此者乎如某事也古人以之而亂以之而 こうりんしこう 之而安以之而與以之而壽即惕然以省曰吾今日之 所存必正念所出必正言所行必正道所親必正人 有類於此者乎念念在此此念之外無它念事事在此 一年文集

銀定四庫全書 往違其所好蹈其所惡夫豈其本心哉以不能倦倦於 常多安常少危常多盛常少衰常多毒常少天常多往 内自心腹五臟外達四肢百骸無一毛一疑不受病者 也方今天下之勢如人受病非不楊然且大形猶人也 學而陷於不知故也如人之療病未當不欲其生而卒 識者以為寒心而庸醫委之曰安病者不悟其非和之 至於死者亦豈其本心哉以方書不熟而用樂不精故 而惡危也好盛而惡衰也好壽而惡夫也然治常少亂 PI

|日吾無病也昔扁鹊見齊桓侯日君有疾不治將深桓| ここ フラールトラ 不攻於外則百病自消天年自固何憂壽不如堯舜 氣急求病根之所在而剝除之則元氣日固於內邪氣 拉侯病作名扁鵲扁鹊已逃去臣願陛下以本心為元 古方深察脈理精擇樂石節皆怨慎防護日調理其元 為古方為樂石雅病之將深而預治之信任明醫熟閱 氣以賢臣為明醫以古聖賢經史祖宗賢訓所載之言 使曰寡人無疾如是者三扁鹊望見桓侯而走後五日 一半文集 <u>-</u>

病無自而生也漢唐宋之或大綱正而萬目不舉或萬 如禹湯不如文武者乎及今猶可為也及今不為臣恐 多好四母全書 是道則亂用是道則安不用是道則危用是道則威不 也自唐虞而三代自三代而漢唐宋用是道則治不用 扁鹊望之而走矣雖噬臍無及也唐虞三代與我祖宗 日舉而大網不正元氣未固容邪易好隨病而施樂者 列聖之大綱無不正萬日無不舉元氣本固容邪難 用是道則我用是道則壽不用是道則天用是道則延

之所本也國祚長短之所在也陛下可不大微於心乎 長不用是道則短促然則是道也乃世道治亂之所繫 帝曰尊其所聞則光明矣行其所知則高大矣高大光 易曰正其心萬事理差之毫釐緣以千里董仲舒告武 也社稷安危之所關也風化威衰之所由也人主天壽 之言母如武帝不加意於仲舒之言也蘇軾對仁宗曰 明不在乎他惟在乎加之意而已臣願陛下加意於臣 天下無事則公卿之言輕如鴻毛天下有事則匹夫之

とこうら こよう

一举文集

到近四月全書 言重如丘山今天下不可謂無事矣臣願陛下不視臣 言如鴻毛而視臣言如丘山則天下幸甚生民幸甚臣 楊溥故事起復李賢者臣才識庸下學問粗淺順承天 翰林院脩撰臣羅倫謹奏為扶植綱常事臣聞朝廷援 俯拾弱蕘上塵天聽不勝戰慄之至臣謹對 凡聖學大要君道急務朝廷闕失紀網廢弛官吏貪酷 賜對大廷根家聖恩親置首選每自感勵思酬獎遇 奏疏

冒言越職之罪是以心雖懷憂口不敢言口雖欲言時 陛下以舒天下之望以酬陛下之恩碩筮仕未久語練 生靈愁苦風俗弊壞士氣委靡兵戈擾攘饑饉薦臻提 朝廷下起復之命臣竊謂李賢大臣起復大事網常所 未服及此臣之罪也亦臣之分也近者李賢遭喪之時 臣之所欲言行臣之所欲行臣以疎遠驟進之人恐蹈 未深而又廟堂大臣百僚庶來必有憂臣之所深憂言 其綱領疏其節目狀其情實採其根源為萬言書獻于 華之怨

一致定四峰全書 容之 数事臣既未服陳由此一事臣又未敢論是乃偷合尚 循至今言雖若迁所關甚大事雖若緩所緊甚切由前 有知義理不顾流俗必陳正論以扶網常是用緘黙因 關風化所繫天下所瞻後世所監左右侍從給舍臺官 而言聖人不與然先王立制時政有失庶人工藝猶得 非愚臣報陛下之夙願也雖趙職忤義君子所嫌未同 **三諫沉臣備員近侍家恩深重扶植綱常臣之志也披**)徒非有忠君愛國之心固非陛下求臣之本心 亦

寫 命三年不過其門所以教人孝也古者求忠臣必於孝 惨倦欲正大網舉萬目使人倫明於上風俗厚於下陛 風俗莫先於孝孝者天之經也地之義也國而非此 者也然欲正大綱莫先於明人倫厚風俗欲明人倫 可以為國家而非此不可以為家人而非此則禽獸矣 下是言真可為國家扶綱常天地立民極萬世開太平 華 悃憤臣之忠也惟陛下亮之伏讀聖軍有曰朕夙夜 而非此則夷狄矣故先王制禮子有父母之喪君 一举之集

銀定四庫全書 起復之數則賢所未聞也以國家大臣起復之數則禮 年之喪從其例者吾弗知也陛下於李賢以金革之事 所未有也似與先王制禮之意不同也似與孔子之言 事無避禮與孔子曰魯公伯禽有為而為之也今以 孝而能得其臣之忠者也昔子夏問三年之喪金革之 孝於親而能忠於君者也為人君者未有不教其臣以 子之門誠以居家孝故忠可移於君為人臣者未有不 不類也似與陛下策臣之初意不合也以故事大臣當

未嘗循當代之故事以茍從其君故功澤加於當時名 此二君者未衛拘當代之故事以强起其臣此二臣者 故事起復富弼矣弼之解曰何必遵故事以遂前代之 先王之禮事其君臣不暇遠舉請以宋言之仁宗當以 以故事起復劉珙矣珙之辭曰身在草土之中國無門 庭之冠難冒金革之名以私利禄之實孝宗卒名其辭 非但當據禮經以行今日之是仁宗卒從其請孝宗當 ---一举之集

起復數則為君者當以先王之禮教其臣為臣者當據

復為執政陳宜中起復為宰相贯似道起復為平章此 是而後無復禮義史萬之欲接例起復為丞相王敵起 聲垂於後世史筆書之以為城事士夫誦之以為美談 數君者未常不以當代之故事起其臣此數臣者未當 不以當代之故事從其君然生靈以之而困天下以之 比無它君能教其臣以孝臣有孝可移以忠於君也自 君不教其臣以孝臣無孝可移以忠其君也詩曰殷監 而亂社稷以之而傾貼禍於當時遺臭於後世此無它

|郵定匹庫全書

不遠在夏后之世臣願陛下以宋為鑒使賢盡孝於親 一た三日戸 ニナラ | 鐵張未為無事也陛下必欲賢任天下之事不專門內 為萬世之大臣陛下以禮處賢為萬世之大君此臣之 必言言之則必盡陛下於賢之言聞之則必行行之 與則仁宗之時契丹禁養未為無虞也孝宗之時金人 願也亦賢之分也以賢身任天下四方多處而起復之 一私則賢身不可起口則可言宜降温記俾如劉珠不 身之戚而忌天下之憂使賢於天下之事知之 一军之供 ÷ + 则

必力則賢雖不起復猶起復也使賢於天下之事知之 多順肯多則愛心生愛心生則寵愈可固位愈可安矣 身不可安矣誰肯不保其禄不爱其身乎臣佞則順 臣庶官無賢士君盂也臣水也盂圓則水隨以圓盂 臣直則忤肯多忤古多則惡心生惡心生則禄不可 則水隨以方君好諫則臣隨以直君好諛則臣隨以 不力則賢雖起復猶不起復也陛下無謂廟堂無賢 不言言之而有隱陛下於賢之言聞之而不行行之

|金男四月全書

を

為見舍一已之知而以聚人之知為知順肯之言則察 失察生民之利病訪人才之賢否考古今之治亂師風 開之熊客崇高貴重之勢親直該博治之士開懷於約 誰肯不固其寵不安其位子陛下誠能於退朝之暇清 というえ しょう 之使輸忠為國者得以自盡產策畢陳飛賢並用則賢 俗之威衰容邊防之緩急舍一已之見而以聚人之見 降禮尊廷講聖學之大要明君道之急務詢政事之得 而逐之使貢飲保寵者無以自容作古之言則容而受 一军文保

接之曰負天下之重任應先朝之故事比年以來朝廷 哉朝廷舉指大臣出處天下觀之史筆書之清議雖 之故事損大臣之名節虧聖明之清化而後天下可治 所欲言者人亦能言之又何必違先王之禮經拘先朝 行於朝廷天下以為何如公論雖不行於今日後世以 踵廟堂據禮守經之士寂寥無聞不知此人於天下之 以奪情為常典縉紳以起復為美名食稻衣錦之徒接 何如誠不可不懼也誠不可不慎也夫賢之起後尤 不

多分匹母生言

ここり こいう 楊溥之外未聞起復某人為某官也今起復之官何如 見其敢也陛下何取於斯人而起復之哉意其平昔之 見其有也以其深仁厚澤足以決天下之民心耶何未 此之多耶以其萬謀遠慮足以定天下之大議耶何未 重任何所屬那此事於先朝之故事何所據那先朝自 見其行也以其忠言謹論足以裡朝政之關失那何未 見其能也以其直節勁氣足以勵天下之士習耶何未 見其發也以其折衝黎侮足以定天下之大難耶何未 一字文集

位名曰起復實則戀禄且婦於舅姑喪亦三年殊於祖 終喪朝廷不容雖三尺童子臣恐其不信也為人父者 父母禮有期服奪情於夫初無與其妻起復於父初無 未有堅請如富弱懇解如劉珙者也名曰奪情實則貪 事例當起復既遂奸計畧為虚解一不俞允歡然就位 **諫說上蒙天聽不曰此人辦事理可奪情則曰此其故** 計不過阿媚權勢豫為己地及遭通喪之時則必曲為 干其子令或館舍如故妻孥不動乃號於天下回本欲

郵気

に庫

たとりをという 數百人而高之竟乞終制令大臣起復羣臣不以為議 事而富公竟不可奪史萬之遭父喪太學生犀攻之至 親之心豈忍至於此哉枉己者未有能直夫人忘親者 所以望其子之報宣擬至於此哉為人子者所以報其 且從而為之解所以策為已地也羣臣起復大臣不以 親陛下何取於斯人而起復之哉何不使之全孝於家 未有能忠於君望其直人而先枉已望其忠君而先忌 而後移忠於國哉昔富弼有母喪韓琦言起復非盛世 一筆文集

溥恩則遙服以受封例在得官則遙服以聽選例在掇 琦窩弼之罪人今之羣臣又太學生之罪人也上下成 **羣臣復何慙羣臣既有例大臣復何辭今之大臣固韓** 之世風俗之獎綱常之壞一至於此也夫爱親之心孩 則遷服以之任率天下之人為無父之歸臣不忍聖明 風靡然同流致有公為起復之例私為選服之計例在 則造服以應舉例在遷官則選服以候遷例在求賄

為非且從而成其事亦所以發為已地也大臣既無忌

金分四屆全書

義而不摩之以爵禄激之以蔗恥而不誘之以名位使 道肯於其親無三年之爱子特以貪利遂至忘親孔子 親今則為孝子向雖後其君今則為忠臣亦理之所必 積習之弊脱然以除則忠孝之心油然而生向雖忘其 者陛下誠能守先王之遺禮遵祖宗之成憲待之以禮 提有之短喪之說下愚恥言沉在冠裳之列聞聖賢之 ここうらしいう 有勢之所必至也特在乎陛下轉移之間何如耳天子 曰是可忍也孰不可忍也又曰上有好者下必有甚馬 一年之非 7

欲孝行於天下必先行於大臣臣顧陛下不惑華議斷 者以孝治天下者也大臣者佐天子以孝治天下者也 自聖東取回內臣許令李賢依富獨故事守制依劉珙 於內朝廷既正則天下自正大臣既行則天下自效人 制脱有金革之事亦從墨衰之制任國事於外盡心丧 故事言事其餘已起復者悉令追喪未起復者悉許終 乎綱常由是而正人倫由是而明風俗由是而厚士心 天理不可泯滅誰肯甘心為不孝子靦顏為不忠臣

|銀定四庫全書

犯者皆忤衆怒犀猜将無不至不曰狂生妄議未諳國 由是而純紀綱由是而張國勢由是而 惟陛下矜賜優容使謹言日進曲加保護使士氣日振 所學取議於天下貽笑於後世是以昧死為陛下言之 議出於今禍貼於後然風夜皇皇惟恐上負朝廷下負 路折挫士氣臣雖愚昧豈不自知言忤於人殃及於已 則曰道理雖是室礙難行近年以來類為此語阻塞言 則曰腐儒迂談不達時宜不曰矯激干名希求進用 5 一年之際 一矣臣言一出 1+:-

一欽定四庫全書 則天下幸甚宗社幸甚俯竭愚忱仰祈天鑒臣謹奏

林院修撰五月内為建言事欽蒙調除福建泉州府市 南京翰林院脩撰臣羅倫謹奏為乞恩養病事臣原籍 賴皇仁曲賜容宥尚加叙用尋斬収録此天地罔極之 院前職臣一介微賤超受罷祭旋以狂愚罪當誅戮仰 船提舉司副提舉成化四年四月內欽蒙復南京翰林 江西吉安府永豐縣人由成化二年進士出身飲除翰 奏狀

撥醫調治未見痊可本部勘覆是實於成化五年二月 暈四肢痒輕形貌雖人精華已竭實難任事切冒祭禄 薄病痰連延元患吐紅誤為積熱屢服寒樂由此虛耗 ここうき 因於十月內告南京通政司轉送南京吏部行應天府 之任抵冒熱邪斬發痰瘡到任以後諸症侵加頭目昏 **積成內冷自去年力疾赴命日服醫藥暫得尚安及秋** 恩慈父爱子之情不是過也若非草木罔不知恩臣鞠 躬盡瘁死而後已以圖報稱萬不能一獨念臣命窮福 ここう 一年文作

銀足四库全書 懇恐殘軀難保後報無期伏望皇上體上天好生之徒 内移谷吏部定奪縁前病日增加以左股濕痛若不陳 終慈父愛子之情曲為矜憫容臣暫還田里尋醫調 **俟痊愈**隨 至為此令義男董鑑謹具親獨奏聞伏候動旨 即赴朝以備任使以圖報稱臣不勝悚懼 治



詳校官編修臣李堯棟 覆校官中書臣田尹衡 校對官中書臣金光悌 校對官學正臣常 謄録監生 臣黄廷璧

謄録監生 臣劉家瑛

循

文繡周子口見其大則心泰心泰則無不足 一年文课 除年其觀天人之微究聖賢 ,願人之膏 梁令聞廣譽 物可愛可求漠然無 羅 倫 撰

|致定匹庫全書 草木育鳥獸大行為伊周窮居為乳孟不其大與乳子 無不足則富貴貧賤處之一也其斯之謂與夫天生物 也人為貴馬人之為贵也心馬心之為用也仁以居馬 明 天下大聖也為天子天下大貴也有四海天下大富也 不欲富贵而欲貧賤獨何心哉志其大而已矣堯舜禹 曰富與貴是人之所欲也貧與賤是人之所惡也先生 以位馬義以道馬知以出馬信以成馬以配天地以 日月以行思神以流河海以真山岳以綏萬邦以蕃

麟飛而為大者鳳介而為大者龜鱗而為大者龍人而 堯舜為禹為其富貴已哉為其大而已矣走而為大者 孟子曰人皆可以為堯舜尚子曰塗之人可以為禹為 大自我也然後可以為大也先立乎其大者則其小者 君子不大也小人大之君子大之天下大之後世大之 為大者聖賢飛走鱗介有為大者以人而不為馬不亦 而大者被惡得而小哉大自人者小人大之一時大之 禽獸之恥乎趙孟之所貴彼能大之亦能小之也自我 一年之焦

|致定匹庫全書 學盡其性止矣聖賢之學何為也盡其性止矣聖同天 不能奪也然後亦可以為大也可大者獨先生哉先生 君自立其大者母徒大先生予何言 南歸道金陵諸君各為四韻詩以别謂余言余願曰諸 人心之性情書以盡人心之政事禮以盡人心之中樂 不亦大乎聖人盡人以天易以盡人心之陰陽詩以盡 以盡人心之和春秋以盡人心之名分凡以盡人之性 福州府學重正諸書序

也教之至也伏義肇之神農黃帝堯舜禹湯文武繼之 哉遠乎哉乳子曰子欲無言懼人之離本也堯舜禹湯 與馬尚文藻者工詞章尚利禄者工科舉性無與馬尚 馬尚羽翼者工訓話性無與馬尚辯博者工記誦性無 備矣聖讀而庸行尚言而已尚異同者工奇淫性無與 乳子成之凡以盡人之性也虞夏商周之盛也六經之 言以傳遠也通不屬乎性馬其猶道水乎無本也遠乎 教未備也人無不學學無不盡其性者尚行而已後世 一峯文集

學者二二故離一其二盡人以天也何為其不可也福 者以有言言之不經廢也可乎廢其廢何為其不可也 許之為師不以言乎實諸中而華諸外也孔子曰有德 守吳公淵圖正其記而傳之屬倫序之倫懼廢者之傳 廢莠以亂未也廢紫以亂朱也廢鄭衛以亂雅也廢不 文武之為君專陷伊傳周召之為臣乳顏思盖周程朱 州府學經史子集祥在馬御史涂公集食憲游公明 以亂道也何為其不可也古之學者一一故天今之 太

.

道非心乎文也道成于已而文自顯也文人之學心乎 豪宜與板行矣續業外集世未有行者南靖楊君參來 而學者之亂也者其說于端使讀者知所尚馬 とこりを ととう 今南豐刻宜與板于縣學屬倫序之夫聖賢之學心乎 南豐先生元豐類豪五十卷續豪四十卷外集十卷類 文與道為一也因文而窺乎道者道與文為二也道也 八非心乎道也學文而因窺乎道也道成而文自顯者 南豐文集序 一峯之张

動好四月至書 筆之於書以能後世則易詩書春秋禮樂之文皆聖賢 婦兄弟朋友之倫其小者威儀文解食息起居之節其 者天命之性本諸吾心散諸萬事其大者君臣父子夫 達諸家國天下尊甲貴贱相接之體制度文為之者其 乎道楊雄失於黄老美新之文君子羞之其能與於斯 文王既没文不在兹乎孟軻氏沒而斯文不傳矣後數 之文也聖賢非有心於文也道成而文自顯也孔子曰 百年而得董仲舒馬得楊雄氏馬仲舒惑於災異未醇

愈然因其言以求其道亦未免乎解氏之病也當是時 文乎又數百年而後得歐陽氏出馬學者宗之以配韓 文乎楊雄氏沒又數百年而後得韓愈氏馬道之大用 猶未得與於斯文何也其用心者韓愈歐陽之文非文 尤也二氏之說淫於老佛者有矣唯曾氏獨得其正而 也其徒倡而和之者眉山蘇氏臨川王氏南豐肖氏其 亦庶乎矣然急於富貴而檢身之道不及其能與於斯 王孔子之文也當是時也源溪之周子河南之程子横 一家之原

一文率數百年而後得一人馬其心專而力勤終其身也 得其門馬則其所立其如斯而已子新安朱子所以與 渠之張子三子者之用心文王孔子之文也使曾氏而 其文之正而惜其未見夫道之大原也於戲數子者之 非惟當時犀弟子莫能及而天下後世卒莫有能及者 之門身通六義者七十人獨如愚之顏子莫有能及者 心乎道也孔子告顏淵以非禮勿視聽言動心乎道者 而卒不得與於斯文者心乎文而非心乎道也昔孔子

| 欽定匹庫全書

卷二

於內也 者先生之叔父易持之後也楊君既梓其文復欲請于 已為號圓景泰間訓導汪倫立祠於讀書嚴下主其祀 非百世之士乎余三過南豐而問馬其世已無聞其祠 也雖然曾氏之文不得與於文王孔子之文矣然亦豈 故孔子曰未之思也夫何遠之有言心乎道者無不至 以祠之子故成其志使聞先生之風而興者知求道 一年之保

之所事也心乎文者有至有不至心乎道者無不至矣

| 新定吃庫全書 告以歌虞殯以歌萬里雄露以歌歌以哀也歌之始也 喪也回翔鳴號蹢躡踟蹰而後去情也情於人也至矣 情也凡血氣屬莫不有知有知則知哀其類爲獸之 歌以樂哀非禮也歌以哀禮也古未有也哀死者人之 適墓不歌鄰有喪春不歌里有殯不卷歌歌以樂也斥 哀死而歌之禮乎古未有也禮也哭日不歌望極不歌 父子哀之兄弟哀之妻妄哀之鄰里鄉黨哀之無也情 羅濱淵父母挽歌詩序 7 類

越之相哀也斯禮也亡矣子曰吾求也為吾親人曰吾 之至也楚人死秦人則不哀之越人死燕人則不哀之 無它情之不至也故曰知死者傷後世挽歌馬秦楚熊 子為親馬學孔子三聖一賢其為親也求諸内而已矣! 舜為親馬重華禹為親馬祗永孔子為親馬學周公孟 應人求也為人之親天下其孰解之誠為親乎有道馬 いんり いた シュエテ 淵甫倫同姓家萬安其父母卒有歌而哀之者謁余序 今日為親忘其內而後乎外何也隱獒也久矣上舍潛 一年之集

多分四月全世 臣奪氣不敢南牧者二十餘年中國可無斯人乎倫讀 第村建炎二年宋方南渡自是偏安一 與日月爭光其忠簡公乎胡氏之族可無斯人乎公登 奸續柄國力主和議公上章乞斬之金聞募本千金君 余不能止也解其言)未當不飲在流涕也曠百世而相感者天理民奏不 **泯也天下後世可無斯人乎公之先金陵人五季時** 蘇城胡氏族譜序 隅不能復振矣

之族其盛矣乎公忠節甲天下名聲流後世公其以 部尚書自元符至咸淳二百年中公族先後解于鄉免 于國學登于大廷者凡數十人他仕者又數十人胡氏 也公仕終端明殿學士公之豫槻縣簽公官終戶兵二 胡氏之盛乎公與朱子同時而使同道馬公之盛何 こうシーニー 冠時間大官有附公後者人笑之曰可為忠簡而不為 也使公之後人同道于公馬胡氏之盛又何如也倫弱 公霸者刺史吉州霸子勝家郡南之薌城公其後八世 一军之縣 de 如

一致定匹庫全書 立於後也郭崇韜何益哉胡氏舊譜公七世孫賴元無 也苟不自為孔孟之後亦庸人而已矣狄青不附狄梁 予序者珦子縃戊子貢士也志克紹先烈者詩曰無忝 公守道不附文忠公夢煜不附忠簡公三公者卒自為 乃為忠簡後乎倫開之曰人的自為忠簡已哉孔孟可 爾祖聿脩厥徳珦其以夫胡氏之後其以夫 路照磨脩之公十世緣拘懼久而徙墜謀重脩馬請 吕先生挽詩序

こううこ 正統壬戌倫十二齡矣有樂補弟子邑降員者先夫人 曰止禮義之地而尚利毋延不可乎越已已偷授徒於 不游為群兒垂死必也兄憤然粥世業往某舉倫是夕 酒也偷曰有是乎以告伯兄兄喜曰可往矣先夫人曰 比問舉主曰貢士王某也問發儀曰含菜畢舉果栗行 里人梁某氏為郡學生來歸倫謁之梁給曰郡學非縣 止其謹語哉兄不聽果謾語也激之者曰某游郡學某 齊長日汝師之齊長退倫謂某日此謂誰氏先生 一年之集

去依曾淮氏以居淮吉水人居久之聞有語撼倫者倫 陵尹欲周之使其子共學馬先生故也梁德剛曰以汝 之吾安之倫不知先生何如也異日言于教授日以此 蠲其征是歲庚午也項之倫以母喪去學壬申服閱盧 以為倫師乎明旦王某聞之吐舌曰子禍自此始矣乃 人也其有成乎教授曰是故作喜雨詩者卿言是也命 而受有司之饋乎倫曰汝言合哉乃館于梁氏者五年 曰命也人其如命何或告先生先生曰有是人乎吾安

一銀定匹庫全書

Į

丙子貢於鄉子午先生貢於應天府甲午倫丁外報 報德何為其不可也乃序之使志于道者知不可辱身 歲八月也又八年先生之子化以挽歌來速文或曰文 とこりえここり 於學校而志於治者知學校之政不可廢也 雨止倫出先生入矣占夢曰先生其不起乎果不起是 病倚鷹夢至官府岩郡治然倫登東樓開先生樓下語 可乎倫曰方农棄而與之是亦先生之德也子曰以德 水西魚氏復姓序 一举之律 卧

枝葉之似也其本則非也本之一者天也岐而二之 陽皆祖六一 人也以人而二乎天悖理傷化真大馬今夫父祖子孫 也螟蛉之似我形聲之似也其本則非也花木之相接 天之生物也使之一本獨人乎哉草木鳥獸之類皆然 祖矣夫冒同姓之祖君子且以為無其祖況冒它姓之 尸而祝之於廟墻而祭之於野不忘其本也盧陵之 氣也所貴於有後者非以遺體所屬乎其為子孫者 異翁獨曰吾祖非六一若祖六一是無吾 歐 者

|郵定匹庫全書

たこりをいる 魚也舊譜般久而不革祖元裕而上泝子與温陵之公 表州雅世多難乃易魚下加日而姓曾辟地于今里去 回吞姓非自吾祖非元裕吾本姓魚氏宋司馬子魚之 祖乎水西魚氏望像世族其彦曰旦初曰循理弱倫請 **虎南豐之子固皆旁援以為族吾心耶之欲復姓於魚** 今五百餘載里中三尺童子皆知水西之曾本魚祭之 知州事世所謂九子十知州者也其第五子曰孝緒 後世吉水之魚梁初祖名天霽子九人唐末五代時並 一筆文作 知

名乃復姓於王有馬世榮者辟亂而姓葉死且獨其子 改為牢又改為奈奈氏名點者乃請于朝而復姓牛 瞋矣至其孫晉而復姓於馬晉牛金之子亦因逃患而 節為後春秋書曰苔人滅節以其本之二也古之人有 曰吾馬氏也不得巴而更今姓汝後幸正之吾死目亦 王潔氏者辟難而能姓毛謂其子曰毛非吾姓結非吾 三氏者君子之倫至今與之以其知本之一也然或復

何

如倫喟然嘆曰此春秋之義也昔魯襄公時莒以子

動另四月全世

一質天成各法書史靜卷公愛之命以潔名朝夕日碩女 卷處士永濟之季女一峯居士羅倫之從站也孺人淑 是亦民奏之一助也 子者故序而著之使冒姓忌本有問旦初之風而與者 後視三氏者不尤偉乎是故孔子之所與也倫顧學孔 於其身或復於其子若孫旦初是舉獨復於数百年之 丁節婦孺人姓羅氏宋忠臣武岡公正南之曾孫明靜 壽丁氏節婦好孺人八十序 一路上野

|欽定四庫全書 名女職遂矣選将得丁恒信氏丁故大家從父子堅為 宜未五年而恒信卒且許曰女能養吾祖母養吾母乎 御史以才稱丁氏咸曰配宜如羅氏者及舞歸門内咸 者獨人回制於天者命制於我者義吾知有義命而已 謹厚承犯孔時質優塞戶图覺薄厚或以他意幾風之 人順選色偷滿容妈御皆喜長老交賀二姑考終兩附 吾且死目瞋矣孺人泣曰諾恒信卒二姑熒熒在室獢 不知其它貞聲懿望鼓開遠過有司以聞有站在之四

成化甲午冬十月後望四日届孺人之誕生上距洪武 者物其妻莫不願其有節婦之行也為女為妻者莫不 大化兹乎籍矣女子之行丈夫或未之能也爲可少哉 婦而貞皆不失人之心者也天柱立而地維固皇極之 顧有節婦之行在其身也於戲仁也者人之心也人所 乙亥八十年矣孔子曰仁者壽於此乎徵族從各為歌 方萬衆一口曰賢哉丁節婦乎為父母者訓其女為夫 以異於禽獸者以其有人心也為臣而忠為子而孝為 一年之東

|欽定四庫全書 詩四韻倫於為之序云 天寶劉氏族譜序

非文學不顯其友則司馬公南渡後静春子澄繼之其 庶矣劉氏清江劉名天下三先生以馬熈寧中公是公 友則朱文公天寶劉氏於三先生同出太保式式仕唐

時墨莊後曰宗實仕新昌巡檢爰宅天賢士元其後也 附宋聚書墨莊貼休後人文公記之考潤翰苑宋光宗 以族世蔓遙簡快重大別清泉為前譜天寶為後譜志

とこうらいた 心也勢吾無如之何矣情不盡乎奈何孝弟之心油然 生矣貧贱收之患難恤之死喪膊之凡以盡吾情也世 子矣自吾父視之有異乎從父之兄弟自大父視之從 有異乎服有隆殺世有遠近勢也情無親疎乃祖父之 祖之兄弟自曾大父視之至無服之兄弟自初祖視之 承考也柱史王樂用曰某曰以三先生燒惠教於先生 在我後人吾之心一也彼私自也視兄之子不猶吾之 毋辭夫睦族之道譜其文也盡及其本而已祖父之心 19

墨莊非有膏腴之沃金玉之玩牙籤錦軸揚為飛塵化 之位都即相富連阡陌樂餘其身留遺其子祭而族之 於人乎惟善保其生者可以引年善保其國者可以永 為烈燼幾聚而幾散矣况他物乎聚必有散隆必有替 人不得其門而入望壺去為溝中府者何限何感之甚 治必有亂盈必有虧天之道也天地思神且不能違況 留其聰時而職身欲留其存時而去況外物乎君家之 數弗思耳夫所欲莫甚於生目欲留其明時而昏耳欲

一部分四月全重

為教下之所以為學非其道爾禮也者先王之所以為 先王之道不行於天下夫豈人心異於古哉上之所以 族而已矣即墨莊以立義莊所謂耕道而熟仁者於此 命善保其族者可以世家士元欲世其家乎亦善保其 たこりをころう 教也天之經也地之義也民之行也是故聖人則之以 於二公二公開於周孔周孔開於堯舜堯舜聞於乾坤 乎在此保族之道也斯言也吾聞於三先生三先生聞 三禮考註序 一华之作

漢先王之典未隆於地者存什一於千百也宋大儒紫 化成天下士有定習民有定志官有定守國有定制 禮為經禮記為傳盖取朱子之論也考三王而不謬俟 陽朱文公常考定易詩書春秋四經以三禮體大未能 大司徒之半補冬官之闕盖取陳氏俞氏之論也以儀 後聖而不感其公之志乎我朝東里楊文貞公曰吾邑 序正元臨川吳文正公用繼其志考周官以正六典以 下之治運於掌矣周喪去於戰國煅於泰穿鑿附會於

金好四月全書

未就今此書增入禮義率混淆無别決非當所為豈壁 書欲復加考訂不及臨沒授其意於孫當當常為之而 增曲禮八篇凡增十三篇又聞老長言文正晚年於此 彦文從康之孫求得之掩為已作以公支言叙録考之 **逸禮八篇今存者六篇儀傳十篇今增者五篇傳外又** 所增耶文貞之疑是矣倫當因其言考之士相見義公 食大夫義叙録用劉原甫所補今此書二義所補者皆 一年之徒

康宗武受學於公元季兵亂書减康氏亂後郡人晏壁

一多好四原 喪大記喪義祭法祭義學記樂記諸篇皆複出先後取 義等取諸小戴者篡言悉真不録今此書增入若服義 若諸侯釁廟取諸大戴而小戴喪大記亦載之傳若冠 言之成明年公易實矣其可徵無疑也凡考註所取經 出戴記叙錄成於黃年此不載年譜先後不可考而纂 者綜彙混淆註釋粗客悉取陳氏集說中語割裂而補 舍矛盾特甚凡叙録所載若冠義婚義等篇編註精審 文義粲然其餘士相見公食大夫二義及所增十三篇 生世 WENDING LILLS 樂記為是書之終又與纂言不具其名篇取義似非後 傳外曲禮八篇城德言人君之禮入官言人臣事君之 孫當其謂是數故後人因而麗入之文貞所聞其誠然 禮少儀言少事長之禮表記言揖讓進退之禮而學記 禮立孝言人子事親之禮內則言女婦事父母舅姑之 人所能及者疑公定其篇目未及成書臨沒授其意於 公食大夫二義以喪義祭義等五篇補喪祭二禮之傳 一辈文集

級之可考也非公手筆無疑矣獨其以曲禮補士相見

夏正夫正夫得於編脩張廷祥廷祥得於祭酒胡若思 耶然與纂言不合又未可深考也公著述之功未有大 昌時正界繡梓以傳且屬倫校響之乃訪善本於臨川 若思之本其文貞之所録者與長樂謝公仲仁時守建 寅大理寺卿仁和夏公時正巡撫江右得是本於憲副 於此者惜其書未及成而為後人所亂者如此成化真 亦然也倫時卧病深山解無書籍仲仁乃取通解註 文正之子孫已不知有是書矣書嚴康氏文貞所聞

金号四周

41

ここりえしよう 諸書旁正而訂之善本未得恐不無訛謬也然聖賢之 以附馬則先王之典庶乎無遗矣於戲禮儀三百威儀 繼類成編傳以戴記其不入傳者從纂言所類别為記 何從而得哉然廷秀之言非妄也好古君子上請逸經 逸經十八篇逸禮唐初已亡宋元大儒皆未之見有年 何廷秀謂子曰沅州劉有年永樂初守太平府進儀禮 遗經因是而傳馬三公之用心亦可尚矣河南監察使 三千待人而行君子尊徳性以立其體道問學以致其 一年之非

一多定匹庫 從子姓舉於消司於浙於湖南於肖監餘三十舉大比 **暴正皆二十四宣義德誠府君出也鳴羅氏者五德羣** 羅豫章出也自豫章往湖西者二十有二世矣八世祖 盛花樹之章 桐木之韓不能過也科第云哉水心松野 無虚歲東軒曾御史遺江淮制幹靜觀公書曰名宗則 用如有用我執此以往文武之政其庶矣乎 八十四宣義聖卿府君有五男子皆字曰徳兄紀正倫 壽宗兄紀正五十序 全書 たニ

一機已哉子去而兄業醫矣以醫儒近也再午雅內艱矣 已将 光而望張許科第云哉倫在話齡大父朝夕曰汝母恭 餘碩滄洲數君子者狐忠亮節宏才碩學抗買馬友夷 とこりえしよう 子貢於鄉原辰店兄視曰内不足也樂過矣易上樂實 酉唾紅兄視曰内熱有餘也下樂氷之七年而後愈丙 而從我乃學伏生書時質甚艱得書取兄策易讀之已 前聞人偷受教惟謹乃學詩學春秋兄曰汝姑舍所學 郡庠昔淵明之出也為饑之所驅為倫之驅者獨 一年文集 九

皆吾兄天下之病者皆遇吾兄天下之為兄而待其弟 孟可矣兄不可無也兄之治倫非有華於之神扁鵲之 之寅入酉回自秋祖春雨雪交集視窓隙微明戶外復 矣良士之醫已良相之醫國知是道乎克已樂冠攻吾 者皆吾兄則可以盡年可以保命可以睦族而好同氣 濕濕聲兄至矣當是時也衣無裼表食無鮮羞責無趙 邪也養性保民設吾元也則可以壽吾道可以福吾民 巧也病至攻邪氣退則護元氣二道而已使天下之醫

|多好四牌全書

李之先南雄保昌人邵琰父子登宋進士第琰生朝儀 壽吾民以不供前人光且以詔天下之為醫天下之為 者醫吾凡吾兄壽矣式克記我後人窮則壽吾道達則 大夫絹絹生承奉大夫仙之始遷番禺仙之生安撫助 士天下之為相者 矣兄初度五十浮壽有限而真壽無窮倫以兄之醫吾 教樂響二子天非龍圖待制生吏部侍郎品英文溪忠 番禺李氏族譜序

| 欽定四庫全書 **網熙輩左右之德孚聞風脫屣霞外君子韙之間託序** 生以寧寧生徽州經歷目昌生椿猕猴生積積字德字 簡公也天亮生德慶府尉胄英英生國史編教仲實實 本譜不脩也無以紹其先身不脩也不辱其先乎自宗 其譜倫謂德孚曰脩譜立族之大本脩身立天下之大 已卯鄉薦由成均銓天曹陳公南倡道東南何時舉林 法廢而請學與矣明其本之自出所以尊尊也别其支 之由分所以親親也尊尊親親之道盡而族之大本立 た

道李氏之先忠簡得之崔朝坡文群傷偉功名超趕初 者道至貴者德人之至難得者道德有於身而已此德 告德孚之所聞豈外源溪乎靜閱圖書光霽襟懷洒然 在目其言曰志伊尹之所志學顏子之所學又曰至尊 溪語二年而有得德字於公甫八年於此矣公甫之所 度越於功業文章之外者此德孚所宜知也初平聞渡 平得之濂溪愿中得之豫章冰壺秋月瑩徹無瑕則又 矣譜先人之遺跡無脩且不可而況於遺體乎脩身之

欽定四庫全書 孚所宜知也此道不聞七葉珥船三世列戟猶不足以 大其族馬有於沫榮乎昔在聖門由路數子皆志諸侯 甫以吾言為何如 後世尚不公至今無聖賢歐陽子之言也何待後世乎 此脩身之大本也張子曰子孫才族将大德孚質於公 獨漆雕開曾點已見大意夫子說而與之其意可見矣 人心天命之至公天命不息人心不死斯民也三代之 送陳愈事夢祥歸番馬序

護於一夫而信於天下君子之心初容有待於天下後 |柔進剛退則成否而天下受其禍孔子曰吾未見剛者 常私剛常大柔常小剛進柔退則成泰而天下蒙其福 世哉而天下後世之人心自不能舍君子而歸之天命 孟子曰至大至剛乳子孟子之所謂剛吾未見其人矣 之公不可解於心也盖害觀於易乎君子者防之剛小 人者陰之柔剛常正柔常邪剛常明柔常暗剛常公茶

所以直道而行也古之君子或屈於一時而伸於萬世

大足可事 上

一等文集

愈憲以之虞廷之剛登之配天後世之剛擠之落穽聖 讒去或曰子剛愈憲何居吕刑曰非記于威惟記于富 守屢抗强武乞錢若水例致其仕去愈憲九載不遷辟 **歟尚書不得其職數月去御史三上章出百日謫去太** 元吉太守楊君繼宗愈憲陳君夢祥亦庶乎其似者 何獨異於是哉埋輪都亭請創尚方幸今世無斯人有 人作易扶陽抑除剛者惟恐其不盛柔者惟恐其不衰

金火口万

イコー

見其似者可矣今之君子若尚書王君公度御史謝

君

之待之復何如其加之君子以是畏天命而悲人窮矣 吾乃為婦人欲驅一世男子盡為婦人奈何陳公甫門 先是侍郎原公巡視江右誇書連幅公曰夢祥為男子 與之何也蘇子曰士患其不剛當患其太剛而懼之以 無待於後世也或曰愈憲大剛則折人方戒之而子乃 室之美為之萬世同流夢祥故吾吾以是知人心之公 人容彦昭易徳元陳東常日鄉為身死而不受今為官 折耶折不折天也非刚之罪也為此論者鄙夫患失者 一等之作

处定日報在告 ~

南海之沒有三峯馬蟠踞廣博意氣端重色如顏玉者 也愈憲歸矣以直養而無害吾見塞于天地之間 霧歇起雷電晦明則神沒思出駁目驚心倏忽萬狀 嫵 不可押者東峯也烟消霞飲風清日明陰陽和暢萬景 之者南率也娟好親秀如素女靜妹遠之可愛而近之 兩拳也風骨燈凝氣度軒豁如神人異僧使人望而敬 媚眉睫間 送三峯歸南海序 一接佳氣則精與飛動神情怡悅及夫雲

一金ジピ万

111

をニ

三峯之所同也兩峯在東良容君彦昭有之南峯在玉 熙奉三峰高之白雲九曜石鼓大奚諸山皆從伏其下 樓之西易君德元有之東拳在魁江之上陳君東常有 之三峯之外在番禺者何氏有矩拳在東党者林氏有 不敢抗視五峰脈脊皆白崑崙崑崙在白沙南世傳顏 列山層戀疊緣凡出崑崙者皆磊落奇龍特異衆觀雖 潤澤可被千里屯雲膚寸可雨天下與羅浮相望摩拳 川白龍所官天下文明則見海南諸山箟备最高家泉

欽定四庫全書 跨州超色横河絕海而端嚴拱抱尊面崑崙如弟子之 |竟衛之支脈為之也子欲盡天下之大觀吾與子其俱 華恒岱南紀則岷峨衡廬小天下塊三山杯五湖者皆 苑玄圓之墟官天帝而館神人其入中國者北紀則為 之崑崙乎吾能言之其大蟠天地其高蔽日月閥風之 之偉觀乎客有好奇者曰子知南海之崑崙美知西海 氏有五拳成二山之偉觀此五拳者不亦重白沙崑崙 服先師無違背者武夷之西雲谷之東察氏有九筆胡

往三年主人同聲口說吾將山南海之崑衛防西海之 皇帝臨天下有六年制岩曰朝廷正而天下治善人多 崑崙矣遂仗劍長歌浩然而往 繪碧梧丹鳳圖以象之合詠歌以美之命湖西羅倫序 中遷江西憲副敬學事也三載者最於天官憲臺羣公 也善人之多師道立也汝左右子輔其簡在位學有典 往師俊造以媚朕志於是姑蘇夏公正夫以禮部郎 碧梧丹鳳圓序 一十七月 -

欽定四庫全書 武有道則見無道則隱善人國之風也在亂光風在治 若鳳鳳為聖人出也是故舜時來儀文王時鳴岐山舜 之倫曰鳳聖德也揭義而挾禮負仁而入信發文而繫 慕鳳於其名不於其實或以鴟鵲為鳳或以野鳥為鸞 鳳而聖顏子盖子鳳而賢或老於曲肱或用於陋卷或 卒於将說故曰鳳鳥不至吾已矣夫漢氏而下時君之 文之聖朝陽之梧桐也擊襲稷契高崗之鳳凰也鳳以 致鳳鳳之至也宜哉自周之東朝陽之梧桐秋矣孔子

氏信國文氏之流則忠義而鳳者也天理不息則人心 源溪之周氏草廬之吳氏象山之陸氏道德而鳳者也 知晓晦之候鳳德固若是乎大江之西犀鳳之郊数也 風卒不可見也天下豈無鳳乎致之不以其道鳳之不 廬陵之歐陽氏南豐之曽氏文章而鳳者也若忠宣洪 而儀于隋文君子岩鳳謂隱見之得宜也難非鳳此猶 至也宜哉其在下者雄欲鳳漢而棲于新室通欲鳳隋 不死鳳固聖德然不離飛鳥也可以人而不如鳥乎同

|欽定四庫全書 聲相應一鳳鳴而衆鳳皆鳴梧桐在朝陽矣候其以德 詩非為傳世作也本乎情性止乎禮義詩不能以不傳 聴於卷阿也 钊 為首以仁為心以信為負以禮為優以武為繋引吮振 閨婦之口而其解義之與音節之正皆可以被於弦歌 也若三百五篇是已當周之盛國風之詩多出於田夫 而 鳴馬則群鳳隨之舜文之端至矣吾將洗耳而 蕭冰厓詩集序

宣才之相遠哉所以教而化之者無其本也然太極之 意非不精用力非不勤卒無異空花眩目好音過耳夫 悉而形諸四體和其聲音而發於文章有不自知其如 自閨門而達於邦國由朝廷而下於問卷所以漸其心 運不息則人心之天不喪是故豪傑之士間生其中亦 此之盛也王迹既熄風雅道喪宏材碩士句攻字琢用 無愧於古者若靈均之憂憤杜陵之忠慎陷彭澤之沖 而為法於天下夫宣學而能哉盖先王仁義禮樂之教 一年之集

盖南渡以後國土日處文氣日甲而道德忠義之士接 1226日本乎性情之真庶乎禮義之正關於民奏物則之 大視風雅不知何如惡可以後世之詩例視之哉宋氏 登進士科任至通守遭世搶接未及上通自放於詩當 語也若水厓蕭公亦其一人矣公諱立之寧都蕭田人 規折矩不越乎禮義之大尉又非流連光景者可同日 踵於東南其間以詩詞鳴者格律之工雖未及唐而周 有國三百餘年治教之美遠過漢居道德之懿上承孔

一致定四庫全書

を二

其意到班岩觀岳馬綺岩凌雲鶴娟若春園之桃李蒼 高品也公詩宗江西派澗泉趙公章泉韓公雅愛澗谷 若冬嶺之松筠視三君子者不知何如亦南渡以後之 草廬具公以忠義著者疊山謝公公納交於草廬又見 羅公公為潤谷所知則其詩可知矣同時以道德鳴者 梓屬其序於子子當病科舉之業詞賦之工害天下之 於世公集舊板煅於兵嗣係儀鳳繼顯前開欲重毒諸 知於疊山則其人可知矣公子士猶註李太白詩今行

一次已日草白

一年文集

一學術欲變之而未能乃為公序而傳之何也喜其近於 金火い万名言 為廢痼矣所謂不仁也夫子若孫吾身之所出也寒馬 膚不愛馬有尺寸之膚不愛則疾痛疴癢不知為痿痺 本不為無益之空言也 人之於身無所不爱也痛則抑之癢則搔之無尺寸之 之好猶視吾之身仁有甚於此乎自夫一人之身化為 衣之饑馬食之疾痛馬憂之無所不用其愛也視子孫 嶺南王氏族譜序

|於己四草全書 之身而民馬有不仁者乎此先王之治所以不可及也 大宗猶幹也小宗猶枝也小宗之奉弟猶农枝葉也有 有無相通患難相恤禮俗相交雖千萬人之身猶一 至此也先王於是制宗法以統之所以廣仁也大宗統 如仇敵閥於牆齊於溝而不恤矣昔一人之身今何忍 天之生物也由本而蘇由蘇而枝由枝而葉祖猶本 千萬人之身則貪心萌馬爭心起馬相視如秦越相挺 百世百世宗之小宗統五世五世宗之凡受命於宗子 一筆文作 亍九

恩江徒於有南恩江之族有諱鶴者以詩鳴於宋領南 先有國英者自臨川徒於恩江國英之後文質文潤自 異於三代之人心哉教之無其道統之無其法耳是豈 教六人州佐縣令若干人於戲宗法廢而門第之 獨小人之罪君子與有責為領南王氏吾郡大姓也其 本而無幹枝葉何所麗乎三代之後宗法廢矣由是天 之族國初以來仕至御史者二人起居注一 下無世家朝廷無善治鄉黨無善俗今日之人心夫豈 縣

一哉大而可常莫若行先王之法也先王之法行於家則 恩譬諸身馬有生而有死以富貴而大其族者豈可常 之天下猶可驗之一鄉王氏行之於其族則它日行之 矣族之有贵而有賤家之有富而有貧人之有賢而有 無有不仁者矣天下者家族之積也張子曰縱不能行 天下者自此而始也門人王斅請叙故書以貽之 一家仁矣行於族則一族仁矣行於天下則天下之人 一举之情

一拳文集卷二				欽定吃庫全書
				を二十
				: